



Pou Piblikasyon Imedya: 01/09/2023

GOUVÈNÈ KATHY HOCHUL

APRE ACHÈVMAN GWO REPARASYON YO, GOUVÈNÈ HOCHUL ANONSE RE-OUVÈTI ENSTALASYON PAK ETA KEY BEAR MOUNTAIN POU WIKENN FÈT TRAVAY LA.

Trailside Museums and Zoo, Bear Mountain Inn ak Perkins Memorial Drive ap ouvri samdi 2 septanm

Aksè nan pakin ak sante a rete limite pandan lòt reparasyon yo ap kontinye

Gouvènè Kathy Hochul te anonse jodi a enstalasyon popilè Pak Eta Bear Mountain yo pral re-ouvri wikenn Fèt Travay la apre anpil reparasyon domaj inondasyon yon gwo tanpèt 9 ak 10 jiyè te lakòz. Trailside Museums and Zoo, Bear Mountain Inn ak Perkins Memorial Drive ap re-ouvri samdi 2 septanm, apre yon gwo efò rekiperasyon ki enkli reparasyon nan izin tretman ki bay dlo nan biling ak enstalasyon Bear Mountain yo.

"Eta New York ap fè pwogrè enkwayab nan rekiperasyon apre fòs destriktif tanpèt jiyè a, ki te voye plis pase uit pouz lapli pandan jis kèk èdtan nan kèk pati nan Hudson Valley", **Gouvènè Hochul te deklare.** "Avèk reparasyon enpòtan yo ki fini kounye a, mwen kontan dèske Pak Eta Bear Mountain ak Bear Mountain Inn ki gen renome pral re-ouvri pou wikenn Fèt travay sa a pou Nouyòkè yo ka retounen jwi destinasyon popilè sa yo".

Espas piknik pak la ak sante an bouk Hessian Lake te re-ouvri 23 out. Lòt enstalasyon ki pral ouvri pou wikenn Fèt Travay la enkli:

- Lokasyon bato avèk ram Hessian Lake
- Bear Mountain Carousel
- Saldeben ak fontèn dlo potab
- Trailside Museums and Zoo – ouvri nan samdi
- Wout Antre Sid – ant US 9W ak Bear Mountain Circle – ap ouvri nan samdi
- Seven Lakes Drive depi Soti 19 Palisades Interstate Parkway rive nan Bear Mountain Circle – ap ouvri nan samdi
- Perkins Memorial Drive – ap ouvri pou aksè pou veykil nan samdi

- Chanm vizitè, restoran, ba, kafe randonè ak espa Bear Mountain Inn nan, yo tout ap ouvri samdi. Enfòmasyon adisyonèl yo disponib isit la:
<https://visitbearmountain.com/>

Pakin lan rete limite. Vizitè yo ta dwe planifye davans, sa ki gen ladan fè plan altènatif si Bear Mountain pa gen espas.

Anpil nan sante rando Pak la te andomaje tou epi yo pral rete fèmen jiskaske reparasyon yo fini nan mwa k ap vini yo. Kat Santye Bear Mountain lan pral mete ajou sou yon baz kontinyèl pandan reparasyon yo ap fèt pou ede enfòme vizitè yo sou sitiyasyon rando yo pi renmen yo. Nou kapab wè dènye vèsyon kat la [isit la](#). Espas beny biblik nan Bear Mountain Pool te anndomaje tou epi li prevwa re-ouvri pou sezon 2024 la.

Tanpèt la te lakòz gwo domaj toupatou nan Bear Mountain ak kèk pòsyon nan Pak Eta Harriman, ki gen ladan efondreman ranblè yo, wòch ak glisman labou, gwo lavaj nan sante rando nan pak, wout, pon, ak ponso. Reparasyon yo te nesesè tou pou abòde gwo domaj nan garaj antretyen Pak la, ak boutik chapant ak plonbri.

Avèk asistans Biwo Sèvis Jeneral (Office of General Services, OGS) Eta New York, kontraktè yo ap travay san rete pou rezoud domaj ki pi grav yo. Remak ki enpòtan, pak la pa t kapab re-ouvri san reparasyon nan etablisman tretman dlo li a, ki te mande pou ranplase eleman ki te koule anba dlo yo lè izin lan te inonde pandan tanpèt la.

Komisè Pak Eta yo, Erik Kulleseid, te deklare, "Mwen rekonesan anvè Gouvènè Hochul, patnè nou yo nan OGS ak DOT ak pèsonèl devwe nou an paske yo te akselere reparasyon kle nan sante ak sekirite sa yo nan enfrastrikti Bear Mountain. Avèk plis pase de milyon vizitè chak ane, Bear Mountain se yon destinasyon vital pou moun nan reyion an pou repo ak lwazi. Mwen kontan akeyi vizitè yo tounen pou wikenn Fèt Travay la ak pi lwen".

Direktè Egzekitif Komisyon Pak Entè-eta Palisades, Joshua Laird, te deklare, "Nou rekonesan anvè Gouvènè Hochul, New York State Parks, ak lòt ajans patnè nou yo pou efò enpòtan yo fè pou ede nou re-ouvri Pak Eta Bear Mountain. Pak la ki fèmen pandan gwo sezon ete a te difisil pou nou tout, kidonk nou kontan akeyi biblik la ankò epi wè aktivite yo reprann nan destinasyon istorik sa a pou rekreyasyon ak plezi".

Senatè Eta Bill Weber te deklare, "Mèsi a tout moun pou travay di yo pou fè bèle pak sa a tounen ouvri pou tout moun kapab jwi pandan n ap antre nan wikenn Fèt Travay la ak pi lwen".

Manm Asanble a Kenneth Zebrowski, te deklare, "Pandan n ap antre nan Wikenn Fèt Travay la, mwen kontan wè Pak Eta Bear Mountain re-ouvri rapidman pou aktivite apre tanpèt ete a. Pak la se yon zòn lwazi enpòtan pou moun atravè Hudson Valley, epi re-ouvèti jodi a vle di plis moun ka soti epi jwi wikenn sa a anplennè".

Pak Eta Bear Mountain, ki se yon pati nan Komisyon Pak Entè-eta Palisades (Palisades Interstate Park Commission, PIPC), sitiye nan mòn difisil ki nan wotè riv Iwès Rivyè Hudson. Pak la gen yon gwo teren jwèt, pyebwa pou piknik ki gen lonbraj, aksè pou lapèch nan lakk ak rivyè, yon pisin, [Trailside Museums and Zoo](#), sante nan randone, monte bisiklèt ak eski. Yon patinwa deyò ouvri pou patinè ki soti nan fen mwa oktòb jiska mitan mwa mas la. Tou Komemoratif Perkins ki anlè Bear Mountain ofri yon vi espektakilè sou Pak la, Pak Eta Hudson Highlands ak Harriman. Perkins Memorial Drive ak Tou yo ouvri depi avril jiska fen novanm, si tan an pèmèt.

Konsènan Biwo Pak, Lwazi ak Prezèvasyon Istorik nan Eta New York

Biwo Pak, Lwazi ak Prezèvasyon Istorik Eta New York sipèvize plis pase 250 pak, sit istorik, sante nan lakk, teren gòlf, lansman bato ak plis ankò, ki te gen yon rekò 79.5 milyon vizit an 2022. Pou plis enfòmasyon sou nenpòt nan zòn lwazi sa yo, vizite [parks.ny.gov](#), telechaje [aplikasyon NY State Parks Explorer](#) la gratis oswa rele nan 518.474.0456. Rejwenn nou pou selebre santenè nou pandan tout ane 2024 la epi konekte avèk nou sou [Facebook](#), [Instagram](#), [Twitter](#), ak [blòg OPRHP](#).

Konsènan Komisyon Pak Entè-eta Palisades

Fòme an 1900, Komisyon Pak Entè-eta Palisades se premye antite nasyon an ki etabli pou pwoteje ak konsève tè natirèl yo. Jodi a li jere 21 pak ak 9 sit istorik ki kouvri plis pase 50,585 ekta tè nan New York ak Nò New Jersey. Travay bonè PIPC te ede enspire domèn emèjan nan jesyon anviwònman ak edikasyon, te pyonye nan objektif pou ekspoze timoun yo nan lanati atravè teren kan gwoup li yo, epi li te sèvi kòm yon modèl pou kwasans inisyal nan sistèm pak nasyonal la. Logo komisyon ki gen fòm fèy erab ak pye bwadchenn nan reprezante pyebwa ofisyèl eta New York ak New Jersey.

###

Lòt nouvèl disponib sou sit [www.governor.ny.gov](#)
Eta New York | Chanm Egzekitif | press.office@exec.ny.gov | 518.474.8418